

Tshwene le mosadi wa motsumi

Wesley Kipkorir Rop
Setswana






Mo sekgweng sa Miwa, go ne go dula Tshwene yo o neng a utlwile bothoko ka dinako tsothe.

Nako e nngwe le e nngwe fa a ne a nna le ngwana, o ne a tlhokafala.

Botlhoko jwa go latlhegelwa ke bana
bo ne jwa dira Tshwene gore a
tlolakele kwa godimo le kwa tlase.

O ne a tlolela mo kaleng e nngwe,
mme a tlolele mo go e nngwe, a goe
a re, “Kwi! Kwi! Kwi!”







Tshwene o ne a utlwile botlhoko ka dinako tsothe.

O ne a utlwa botlhoko thata fa a ne a bona botshwene ba bangwe le bana ba bona.

Tshwene yo o utlwileng bothoko o tla dula mo kaleng mme a lebelele kwa godimo.

Matsatsi a ile a feta mme Tshwene a ntse a lelela ruri.






O ne a tshola lesea gape.

O ne a isa lesea kwa tseleng gore
bafeti ka tsela ba le bone ebile ba le
eleletse masego.

Tshwene o ne a fologela mo fatshe go tswa kwa kaleng mme a baya lesea mo thoko ga tsela.

Ka nako eo, monna wa motsumi o ne a le mo tseleng ya go ya gae.

O ne a bona tshwenyana e robotse mo thoko ga tsela.





Monna wa motsumi o ne a tsaya tshwenyana a isa kwa lapeng la gagwe.

Erile fa monna wa motsumi a fitlha kwa lapeng, basimane ba gagwe ba bararo ba ile ba batla go tshwara tshwenyana.

Basimane ba bararo ba ile ba
tshameka ba opela:

“E latlhela kwa godimo!
E lathele kwa tlase!
E lathele kwa go nna!
E lathele kwa go ene!”

Tshwenyana e ne a lathelwa go tswa
kwa mosimaneng o mongwe go ya
go o mongwe.





Fa basimane ba bararo ba ntse ba tshameka ka tshwenyana, mmayona o ne a iphitlhile mo setlhareng a lebeletse.

O ne a tshogile gore ngwana wa gagwe le ena o ltile go swa jaaka ba bangwe.

Mme mosadi wa monna wa motsumi a tla mme a bona bana ba tshameka ka tshwenyana.

“Tlhokomelang! E tliseng mo go nna. Lo tla e digela mo fatshe!” a rialo.





O ile a baya tshwenyana mo diatleng
tsa gagwe, mme a e tshegofatsa.

Mosadi wa monna wa motsumi o ile a baya tshwenyana mo fatshe.

Tshwene o ile a tsaya lesea la gagwe mme a le baya mo sefubeng sa gagwe.

O ile a nyamelela kwa godimo ga setlhare.

A se tlole a latlhegelwa ke bana gape!




Tshwene le mosadi wa motsumi

Writer: Wesley Kipkorir Rop

Illustration: Jesse Breytenbach

Translated By: Lorato Trok

Language: Setswana



© African Storybook Initiative, 2014



This work is licensed under a Creative Commons Attribution
(CC-BY) Version 3.0 Unported Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

Saide 
South African Institute
for Distance Education

www.africanstorybook.org
A Saide Initiative